

REGIONAL NEWS UNIT
ALL INDIA RADIO, AGARTALA

Date: 21-06-2018

Time: 07:55-08:05 PM Hrs

BENGALI EVENING BULLETIN

Headlines:

- (১) চতুর্থ আন্তর্জাতিক যোগ দিবস আজ রাজ্যে উদযাপিত।
- (২) রাজ্য বিধানসভার অধিবেশনে বাজেট প্রস্তাবের উপর আজ আলোচনার সূচনা।
- (৩) বিধায়ক বিশ্ববন্ধু সেন দ্বাদশ ত্রিপুরা বিধানসভার উপাধ্যক্ষ নির্বাচিত।
- (৪) শিলং দেশের ১০০তম স্মার্ট সিটি হিসেবে গড়ে তোলার জন্য নির্বাচিত।

যোগা দিবস :

চতুর্থ আন্তর্জাতিক যোগ দিবস আজ সারা বিশ্বে উদযাপিত হচ্ছে। প্রধানমন্ত্রী নরেন্দ্র মোদি আজ দেরাদুনে বন অনুসন্ধান প্রতিষ্ঠানে যোগ দিবসের মূল অনুষ্ঠানে যোগাসনে অংশ গ্রহণ করেন। প্রধানমন্ত্রী বলেন, বিশ্বে যোগের সাম্য বা একীকরণের অসীম ক্ষমতা রয়েছে এবং এটি সর্ববৃহত জন-আন্দোলনের রূপ নিয়েছে। তিনি আরো বলেন, যোগ ভারতীয় পরম্পরার

অংশ এবং এটি মানুষকে সংহত করে। মানুষকে বিভাজিত না করে একত্রিত করে এবং রোগ ভোগ থেকে নিরাময় করে। প্রধানমন্ত্রী আরো বলেন, যোগ পৃথিবীতে অসুস্থতা থেকে সুস্থ থাকার পথ দেখিয়েছে। আজকের এই অনুষ্ঠানে হাজার হাজার মানুষ অংশ নেন। রাষ্ট্রপতি রামনাথ কোবিন্দ আজ সুরিনামের রাজধানী পরামারিবোত সে দেশের রাষ্ট্রপতি ডিজায়ার ডিলানো বোর্তসের সঙ্গে যোগ দিবসের অনুষ্ঠানে যোগ দেন।

রাষ্ট্রপতি ভবনেও আজ পাঁচ শতাধিক আধিকারিক ও কর্মচারীবৃন্দ এবং তাদের পরিবার পরিজনদের যোগাভ্যাস অংশ নেন।

আন্তর্জাতিক যোগা দিবস :

থুমলুং-এ প্রথমবারের মত রাজ্যের মূল অনুষ্ঠানটি হয়। থুমলুং মিনি স্টেডিয়ামে প্রদীপ প্রজ্জ্বলনের মধ্য দিয়ে চতুর্থ আন্তর্জাতিক যোগা দিবসের আনুষ্ঠানিক উদ্বোধন করেন মুখ্যমন্ত্রী বিপ্লব কুমার দেব। অনুষ্ঠানে বিশেষ অতিথি হিসেবে কেন্দ্রীয় স্বাস্থ্য ও পরিবার মন্ত্রকের রাষ্ট্রমন্ত্রী অনুপ্রিয়া প্যাটেল সহ রাজ্য সরকারের পদস্থ আধিকারিকরা উপস্থিত ছিলেন। সভাপতিত্ব করেন ক্রীড়ামন্ত্রী মনোজ কান্তি দেব। মুখ্যমন্ত্রী, কেন্দ্রীয় মন্ত্রী সহ অনুষ্ঠানে উপস্থিত অতিথিরা পরে মাস যোগাতে অংশ নেন। পরে, মুখ্যমন্ত্রী বিপ্লব কুমার দেব সাংবাদিকদের মুখোমুখি হয়ে জানান, দিনটি গোটা রাজ্য উৎসাহের সঙ্গে পালিত হচ্ছে। রাজ্যের স্কুলগুলিতে স্থায়ীভাবে নিয়মিত যোগা'র চর্চার উদ্যোগ সরকার অবশ্যই নেবে। এদিন যোগাসনের পর অতিথি সহ স্কুল পড়ুয়া, আধা সামরিক বাহিনীর জওয়ানরা প্রানায়মেও অংশ নেন। অনুষ্ঠানের শুরুতে স্বাগত ভাষণ দেন ক্রীড়া দপ্তরের সচিব সমরজিৎ ভৌমিক। এছাড়া এডিসি'র সিইও বলিন দেববর্মা ও মুখ্য সচিব

সঞ্জীব রঞ্জনও বক্তব্য রাখেন। মাস যোগাকে কেন্দ্র করে এদিনের এই অনুষ্ঠানে ব্যাপক উৎসাহ লক্ষ্য করা গেছে উপস্থিত সকলের মধ্যেই।

মানিক সরকার :

রাজ্য বাজেটের বেশ কিছু প্রস্তাবকে স্বাগত জানিয়েছেন বিরোধী দল নেতা মানিক সরকার। আজ রাজ্য বিধানসভার অধিবেশনে বাজেট প্রস্তাবের উপর আলোচনার সুচনা করে তিনি দুর্গত এলাকায় বিনামূল্যে রেশন দেওয়ার সিদ্ধান্তকে স্বাগত জানিয়েছেন। এছাড়া জেনেরিক মেডিসিনের কাউন্টার বৃদ্ধির প্রস্তাবকেও স্বাগত জানিয়েছেন শ্রী সরকার। তবে এর সংখ্যা আরো বাড়ানোর দাবী জানান তিনি। বুনয়াদী শিক্ষায় বরাদ্দ কমানোর তিনি সমালোচনা করেন। রেগায় বরাদ্দ বৃদ্ধির জন্য তিনি দাবী জানিয়েছেন।

বাজেট :

বাজেটের উপর সাধারণ আলোচনায় অংশ নিয়ে বিধানসভার মুখ্যসচিব কল্যাণী রায় বাজেটকে সমর্থন করে বাজেটকে উন্নয়নমুখী বলে অভিহিত করেন। বাজেটকে সমর্থন করে বক্তব্য রাখেন ডেপুটি স্পীকার সুশান্ত চৌধুরী, বৃষকেতু দেববর্মা, শম্ভুলাল চাকমা, বীরেন্দ্র কিশোর দেববর্মা, সিন্ধুকুমার জমাতিয়া, অরুণ চন্দ্র ভৌমিক, পিনাকী দাস চৌধুরী ও সুভাষ চন্দ্র দাস। বিধায়করা এই বাজেটে রাজ্যের শিক্ষক-কর্মচারী, বেকার, মহিলা ও গরিব অংশের জনগনসহ সমাজের সবার উন্নয়নের দিশা রয়েছে বলে উল্লেখ করেন। এই বাজেট রাজ্যের আত্মনির্ভরতার পথ তৈরী করবে বলে তারা মন্তব্য করেন। অন্যদিকে বাজেটের উপর আলোচনায় অংশ নিয়ে

বিরোধীদের বিধায়ক ভানুলাল সাহা অভিযোগ করেন, বাজেটে মূলধনী খরচ হ্রাস পাবার এবং রাজস্ব খরচ বৃদ্ধির ইঙ্গিত রয়েছে। বাম সরকারের আমলেও রাজ্য সরকারী কর্মচারীদের ৭ম কেন্দ্রীয় বেতন কমিশনের সুযোগ সুবিধা দেওয়ার প্রচেষ্টা নেওয়া হয়েছিল কিন্তু আর্থিক অসঙ্গতির জন্য পুরো সুবিধা দেওয়া যায়নি বলে তিনি উল্লেখ করেন। এছাড়া, বিরোধী দলের রতন ভৌমিকও বক্তব্য পেশ করেন।

বিধানসভা-উপাধ্যক্ষ :

ধর্মনগর কেন্দ্র থেকে নির্বাচিত বিধায়ক বিশ্ববন্ধু সেন আজ দ্বাদশ ত্রিপুরা বিধানসভার উপাধ্যক্ষ পদে বিনা প্রতিদ্বন্দ্বিতায় নির্বাচিত হয়েছেন। আজ ছিল উপাধ্যক্ষ পদে নির্বাচন। এই পদে আর কোন প্রার্থী না থাকায় অধ্যক্ষ রেবতী মোহন দাস শ্রীসেনকে উপাধ্যক্ষ পদে নির্বাচিত বলে ঘোষণা করেন।

উপাধ্যক্ষ পদে নির্বাচিত হয়ে বিশ্ববন্ধু সেন সভার সমস্ত সদস্যদের প্রতি কৃতজ্ঞতা জানান এবং পরিষদীয় গণতন্ত্রের প্রতি আনুগত্য রেখে কাজ করার প্রতিশ্রুতি দেন। সবার প্রতি সমান দৃষ্টিভঙ্গী নিয়ে সভা পরিচালনা করার অঙ্গীকারও তিনি করেন।

নব নির্বাচিত উপাধ্যক্ষকে শুভেচ্ছা জানিয়ে মুখ্যমন্ত্রী বিপ্লব কুমার দেব পরিষদীয় গণতন্ত্রে দীর্ঘ অভিজ্ঞতা থাকার সুবাদে শ্রীসেন অত্যন্ত যোগ্যতার সঙ্গে তাঁর দায়িত্ব পালন করবেন বলে আশা প্রকাশ করেছেন। বিরোধী দলনেতা মানিক সরকার শ্রীসেনকে বিরোধী দলের পক্ষ থেকে শুভেচ্ছা ও অভিনন্দন জানিয়েছেন।

বিধানসভা বেল-সাহসিকতা :

১৫ই জুন মুঙ্গিয়াকামীর কাছাকাছি এক জায়গায় স্বপন দেববর্মা এবং তার মেয়ে সুমতি দেববর্মা অসীম সাহসিকতার পরিচয় দিয়ে আগরতলা গামী ট্রেন যাত্রীদের প্রাণ রক্ষা করায় আজ রাজ্য বিধানসভায় শ্রী দেববর্মা এবং তার মেয়েকে অভিনন্দন জানানো হয়েছে। আজ স্বপন দেববর্মা এবং সুমতি দেববর্মা অতিথি গ্যালারীতে বসে বিধানসভার অধিবেশন প্রত্যক্ষ করেন। স্বাস্থ্যমন্ত্রী সুদীপ রায় বর্মণ শ্রী দেববর্মা এবং তার মেয়ের বীরত্বের কাহিনী সভায় উত্থাপন করলে সভার সদস্য-সদস্য দাঁড়িয়ে তাদের প্রতি সম্মান জানান। শ্রী দেববর্মা কে ধন্যবাদ এবং তার প্রতি কৃতজ্ঞতা জানিয়ে মুখ্যমন্ত্রী বিপ্লব কুমার দেব বলেন, ঐদিন স্বপন দেববর্মা যে মানসিকতার পরিচয় দিয়েছেন তার জন্য রাজ্যবাসীর গর্ব হচ্ছে। তার এই সাহসিকতার জন্য তাকে অবশ্যই রাজ্য সরকারের পক্ষ থেকে পুরস্কৃত করা হবে। অসীম সাহসিকতার ক্ষেত্রে রাষ্ট্রপতির পুরস্কারের জন্য স্বপন দেববর্মার নাম সুপারিশ করে রাজ্য বিধানসভা থেকে একটি সর্বসম্মত প্রস্তাব পাঠানো হবে বলে পরিষদীয় মন্ত্রী রতনলাল নাথ জানিয়েছেন।

যোগা দিবস-পশ্চিম জেলা :

যুব বিষয়ক ও ক্রীড়া দপ্তরের উদ্যোগে আজ পশ্চিম ত্রিপুরা জেলা ভিত্তিক চতুর্থ আন্তর্জাতিক যোগা দিবস উদযাপন করা হয় উমাকান্ত একাডেমীর স্বামী বিবেকানন্দ অডিটোরিয়ামে। অনুষ্ঠানে প্রধান অতিথি হিসেবে উপস্থিত ছিলেন শিক্ষামন্ত্রী রতনলাল নাথ। অনুষ্ঠানে সভাপতিত্ব করেন পশ্চিম ত্রিপুরা জেলা পরিষদের সভাপতি দিলীপ কুমার দাস। শিক্ষামন্ত্রী রতনলাল নাথ

যোগা প্রদর্শনে অংশ নেন। তিনি বলেন, যোগা মানুষকে সুস্থ সবল ও দীর্ঘায়ু লাভে সাহায্য করে।

অনুষ্ঠানে বিশেষ অতিথি হিসেবে বক্তব্য রাখেন পশ্চিম জেলার অতিরিক্ত অধিকর্তা সঞ্জয় চক্রবর্তী। ত্রিপুরা ক্রীড়া বিদ্যালয়ের ছাত্রছাত্রীরা, যোগা এসোসিয়েশন, টি এস আর, বি এস এফ-জওয়ানগণ এবং বিভিন্ন বিদ্যালয়ের ছাত্রছাত্রীরা অনুষ্ঠানে যোগ প্রদর্শন করেন। স্বাগত ভাষণ দেন পশ্চিম জেলার ক্রীড়া আধিকারিক ভারতী নিগাম।

AIR:

আকাশবাণী আগরতলা কেন্দ্র থেকে আজ রাতে আন্তর্জাতিক যোগ দিবস উপলক্ষ্যে বিশেষ সংবাদ বিচিত্র প্রচারিত হবে। রাত ৮টা বেজে ৩০ মিনিটে অনুষ্ঠানটি শোনা যাবে।

স্মার্ট সিটি :

শিলং-কে দেশের ১০০তম স্মার্ট সিটি হিসেবে গড়ে তোলার জন্য নির্বাচিত করা হয়েছে। এর আগে ২০১৬ সালে জানুয়ারী মাসে ২০টি, ২০১৬ সালের মে মাসে ১৩টি, ঐ বছরই সেপ্টেম্বর মাসে ২৭টি, ২০১৭ সালে জুন মাসে ৩০টি এবং এবছর জানুয়ারী মাসে ৯টি রাজ্যকে স্মার্ট সিটি হিসেবে নির্বাচিত করা হয়। শিলং-কে স্মার্ট সিটি হিসেবে মনোনীত করার সাথে সাথে মোট ১০০টি স্মার্ট সিটির জন্য স্মার্ট সিটি মিশনে প্রস্তাবিত বিনিয়োগ দু লক্ষ কোটি টাকারও বেশি হবে।

আসাম :

আসামে ইউনাইটেড লিবারেশন ফ্রন্ট অফ আসাম বা উলফার ৬ জন উগ্রপন্থী আজ গুয়াহাটিতে পুলিশের কাছে আত্মসমর্পণ করেছে। জানা গেছে প্রশিক্ষিত এই উগ্রপন্থীরা, জীবনের মূল ধারায় ফিরে আসার সিদ্ধান্ত নিয়েই আত্ম সমর্পণ করে। তারা জানায়, মানুষ জনের অপহরণ সহ উলফা নেতাদের আচরণে তারা বিরক্ত হয়ে পড়েছিলেন।

জলে-মৃত্যু :

আগরতলার অভয়নগরে হিন্দি স্কুলের কাছে পুকুরে স্নান করতে গিয়ে আজ শুভম তামাং নামে এক যুবকের মৃত্যু হয়। সে তার এক আত্মীয়ের বাড়িতে থেকে পড়াশুনা করতো বলে জানা যায়।

ডি.ওয়াই.এফ.আই :

ডি.ওয়াই.এফ.আই রাজ্য কমিটির পক্ষ থেকে আজ বিকালে রাজ্য পুলিশের ডি.আই.জি অরিন্দম নাথের কাছে এক ডেপুটেশন দেওয়া হয়। ডেপুটেশনে রাজ্যে বিরোধী দলের কর্মীদের উপর আক্রমণ হামলা বন্ধের দাবী জানানো হয়। ডি.ওয়াই.এফ.আই-র রাজ্য সম্পাদক অমল চক্রবর্তী রাজ্যে দলীয় কর্মীদের উপর হামলার ঘটনায় যারা যুক্ত তাদের বিরুদ্ধে ব্যবস্থা গ্রহণের দাবী জানান।

যোগা দিবস-গোমতী :

নানা কর্মসূচীর মধ্য দিয়ে সারা দেশের সাথে গোমতী জেলাতেও আন্তর্জাতিক যোগ দিবস পালিত হয়েছে। জেলার মূল অনুষ্ঠানটি হয় জেলা সদর উদয়পুরের বিমল সিংহ স্মৃতি সুইমিং পুল প্রাঙ্গণে। গোমতী জেলা শাসক তরুণ কান্তি দেবনাথ, মহকুমা শাসক শুভাশীষ বন্দোপাধ্যায়, ক্রীড়া দপ্তরের মহকুমা উপ-অধিকর্তা বনজিৎ বাগচি, জেলা শিক্ষা আধিকারিক অফিসের ও এস ডি অর্জুন শর্মা সহ ১০টি স্কুলের ছাত্রছাত্রীরা যোগাসনে অংশ নিয়েছে। এর পরে উদয়পুর শহরে এক রেলীতে অংশ নেয়।

যোগা-তেলিয়ামুড়া :

তেলিয়ামুড়া মহকুমাতেও যোগা দিবস উপলক্ষ্যে সকালে ক্রীড়া ও যুব বিষয়ক কার্যালয় থেকে একটি রেলী বিভিন্ন পথ পরিক্রমা করে চৈতন্য আশ্রমে সমবেত হয়। সেখানে অনুষ্ঠানের সূচনা করেন তেলিয়ামুড়া বি এ সি'র চেয়ারম্যান পদ্মা কুমারী রাংখল। এখানে ৪০০ জনেরও বেশী ছাত্র-ছাত্রী, জওয়ান এবং বিভিন্ন অংশের মানুষ যোগ-ব্যায়াম চর্চা করেন।

যোগা দিবস-বিশালগড় :

যুব বিষয়ক ও ক্রীড়া দপ্তরের ব্যবস্থাপনায় এবং চড়িলাম ব্লকের সহযোগিতায় চড়িলাম বাজার সংলগ্ন মাঠে আজ সকালে ব্লকভিত্তিক চতুর্থ আন্তর্জাতিক যোগা দিবস উপলক্ষ্যে বিভিন্ন বিদ্যালয়ের ছাত্রছাত্রীদের অংশ গ্রহণে একটি রেলী চড়িলাম বাজার এলাকা পরিক্রমা করে। অনুষ্ঠানে যোগা দিবসের তাৎপর্য ব্যাখ্যা করে বক্তব্য রাখেন বি.ডি.ও বিংকি সাহা। অনুষ্ঠানে যোগাসন প্রদর্শিত হয়।

অনুরূপভাবে বিশালগড় ব্লকভিত্তিক যোগা দিবসের অনুষ্ঠানটি হয় গকুলনগরস্থিত বিশালগড়মহকুমা যুব বিষয়ক ও ক্রীড়া কার্যালয় প্রাঙ্গনে।

যোগা-জিরানিয়া :

জিরানীয়া ব্লক, নগর পঞ্চায়েত এবং ধুমকেতু ক্লাবের যৌথ উদ্যোগে ব্লক চৌমুহনীস্থিত গোপীমোহন স্মৃতি মার্কেট হলে আজ জিরানীয়া ব্লক ভিত্তিক আন্তর্জাতিকযোগা দিবস পালিত হয়। এই উপলক্ষ্যে জিরানীয়া মহকুমা শাসকের কার্যালয় থেকে ব্লক চৌমুহনী বাজার পর্যন্ত আয়োজিত হয় এক বর্ণাঢ্য শোভাযাত্রা। এলাকার বিশিষ্ট ব্যক্তিগণ, বিভিন্ন বিদ্যালয়ের ছাত্রছাত্রীরা, বিভিন্ন দপ্তরের কর্মীগণ এবং বিভিন্ন অংশের মানুষ শোভাযাত্রায় অংশ নেন। মূল অনুষ্ঠানের উদ্বোধন করেন জিরানীয়া ব্লকের বিডিও অরিন্দম দাস।

যোগা-বৌখোরৌই :

জম্পুইজলা মহকুমা প্রশাসন এবং যুব বিষয়ক ক্রীড়া দপ্তরের যৌথ উদ্যোগে আজ সকালে জম্পুইজলা বৌখোরৌই কমিউনিটি হল প্রাঙ্গনে জম্পুইজলা মহকুমা ভিত্তিক আন্তর্জাতিক যোগা দিবস উদযাপন করা হয়। অনুষ্ঠানে উপস্থিত ছিলেন জম্পুইজলার ভারপ্রাপ্ত মহকুমা শাসক ডেভিড হালাম, বিডিও বরুন দেববর্মা, মহকুমা ক্রীড়া আধিকারিক নিতম্বিনী জমাতিয়া, সি আর পি এফ-এর এসিস্টেন্ট কমান্ডেন্ট প্রমুখ। পরে অনুষ্ঠানে যোগাসন প্রদর্শন করা হয়।

যোগা দিবস-চ্যারিটেবল হেলথ :

বিশ্বযোগা দিবস উপলক্ষে ত্ৰিপুৰা চ্যারিটেবল হেলথ সোসাইটিৰ উদ্যোগে আজ দুটি যোগ শিবিৰ অনুষ্ঠিত হয়। তেলিয়ামুড়া ও বিলোনিয়ায় আয়োজিত দুটি শিবিৰে ৫ শতাধিক মানুহ অংশ গ্ৰহন কৰে। সোসাইটিৰ সভাপতি নিৰ্মাল্য দাসগুপ্ত এখবৰ জানান।

ফুটবল :

ঘৰোয়া তৃতীয়া ডিভিশন লিগ ফুটবলৰ আজকেৰ খেলায় সবুজ সংঘ জয়লাভ কৰেছে। উমাকান্ত মিনি স্টেডিয়ামে অনুষ্ঠিত খেলায় সবুজ সংঘ ২-১ গোলে উমাকান্ত কোচিং সেন্টাৰকে পৰাজিত কৰে। বিজয়ী দলেৰ পক্ষে সৌভিক দাশ একাই দুটি গোল কৰে। অপরদিকে, উমাকান্তেৰ পক্ষে একমাত্র গোলটি কৰে ইন্দ্ৰজিৎ দেবনাথ। উমাকান্তেৰ সুজয় দেবনাথ লাল কাৰ্ড দেখে।

স্কুল ফুটবল :

কাজল স্মৃতি স্কুল ফুটবল প্ৰতিযোগিতায় দুটি খেলায় আজ ৰামনগৰ স্কুল ও সুধন্য দেববৰ্মা স্মৃতি স্কুল জয়লাভ কৰেছে। আস্তাবলেৰ স্বামী বিবেকানন্দে ময়দানে অনুষ্ঠিত প্ৰথম খেলায় ৰামনগৰস্কুল ৫-০ গোলে উমাকান্ত একাডেমীকে পৰাজিত কৰে। বিজয়ী দলেৰ পক্ষে সজল দাস দুটি এবং লক্ষণ হৰিজন, আয়ুস্মান হৰিজন ও প্ৰীতম দাস একটি কৰে গোল কৰে। একই মাৰ্চে দ্বিতীয় ম্যাচে সুধন্য দেববৰ্মা স্মৃতি স্কুল ৫-০ গোলে হলিক্ৰস স্কুলকে হাৰিয়ে দেয়। বিজয়ী সুধন্য দেববৰ্মা স্কুলেৰ পক্ষে বয়াৰ দেববৰ্মা

দুটি এবং রবীন্দ্র দেববর্মা, সুজয় দেববর্মা ও শ্রীদাম দেববর্মা একটি করে গোল করে।

আবহাওয়া :

আগামীকাল আকাশ সাধারণত: মেঘাচ্ছন্ন থাকবে। কিছু কিছু স্থানে বজ্র-বিদ্যুৎ-সহ বৃষ্টিপাতের সম্ভাবনা রয়েছে। তাপমাত্রা সর্বোচ্চ ৩৪ ডিগ্রী ও সর্বনিম্ন ২৭ ডিগ্রী সেলসিয়াসের কাছাকাছি থাকবে। আজ দিনের তাপমাত্রা সর্বোচ্চ ৩৪.৮ ডিগ্রী এবং সর্বনিম্ন ২৭.৭ ডিগ্রী সেলসিয়াস ছিল।
